



**UNIT KOMUNIKASI KORPORAT
JABATAN PERIKANAN MALAYSIA
BERITA PERIKANAN HARI INI**

**15 Jun 2023
26 Zulkaedah 1444H**

| SENARAI AKHBAR | TAJUK |
|-----------------------|---|
| Utusan Malaysia | • Kawasan perairan Dungun, Kemaman lubuk sotong |
| Berita Harian | • |
| Harian Metro | • |
| Kosmo ! | • Lubuk sotong tidak diancam pukot |
| Sinar Harian | • |
| The Star | • |
| New Straits Time | • |
| Nanyang Siang Pau | • |
| Malaysia Gazette | • |
| Harakah | • |
| Malaysiakini | • |
| Bernamea | • |
| Borneo Post (KK) | • |
| Guan Ming Daily | • |
| Sabah Media | • |

| | | | | | | | | |
|-------------------|---|-------------------|--|----------------|--|-------------------|------------|-----------|
| UTUSAN MALAYSIA | / | KOSMO! | | THE STAR | | NANYANG SIANG PAU | MUKA SURAT | TARIKH |
| BERITA HARIAN | | SINAR HARIAN | | THE SUN | | ORIENTAL DAILY | | |
| HARIAN METRO | | NEW STRAITS TIMES | | THE MALAY MAIL | | PELBAGAI | | |
| KATEGORI LIPUTAN: | | POSITIF | | NEGATIF | | NEUTRAL | | 35 |
| | | | | | | | | 15/6/2023 |

Kawasan perairan Dungun, Kemaman lubuk sotong

Oleh KAMALIZA KAMARUDDIN
 utusannews@mediamula.com.my

KUALA TERENGGANU: Hasil tangkapan sotong yang luar biasa di perairan Kemaman dan Dungun pada tahun ini disebabkan kawasan tersebut kurang pencerobohan peralatan perikanan yang dilarang oleh kerajaan.

Pensyarah Kanan Bidang Teknologi Alatan Perikanan dan Ekologi Perikanan, Universiti Malaysia Terengganu (UMT), Dr. Mohd. Fazrul Hisam Abd. Aziz berkata, ini kerana perairan di dua daerah tersebut memiliki banyak kawasan berbatu yang terselamat daripada ancaman pukat tunda.

Menurutnya, kawasan berbatu secara tidak langsung mewujudkan ekosistem dasar laut yang sangat sihat serta daya tarikan untuk menjadi 'lubuk sotong'.

"Faktor pertama ialah habitat yang masih tidak tercemar dan kedua makanan yang banyak untuk keperluan sotong berada di kawasan tersebut menyebabkan tangkapan agak luar biasa kali ini.

"Ia menjadi lokasi pilihan sotong untuk membiak, kerana ekosistem dasar laut yang sihat dengan terumbu karang yang



ORANG ramai memilih sotong segar yang dijual di Kuala Terengganu. - UTUSAN/KAMALIZA KAMARUDDIN

banyak boleh melindungi telur yang dihasilkan spesies haiwan marin itu.

"Berbeza dengan kawasan lain seperti perairan Marang, Kuala Terengganu dan Setiu yang sering menjadi lokasi mencandat sotong sebelum ini, tekanan seumpama

itu tidak berlaku di Kemaman dan Dungun menjadikan dua lokasi itu mempunyai banyak 'lubuk sotong' yang menjadi buruan ramai," katanya ketika dihubungi Utusan Malaysia di sini.

Baru-baru ini tular di media sosial, tangkapan sotong yang

banyak di Dungun dan Kemaman dan situasi itu agak luar biasa berbanding tangkapan di daerah lain.

Ini menyebabkan ramai penguasa bot meraih rezeki berganda kerana pelancong dari luar berrminat menyewa bot mereka untuk mencandat sotong.

| | | | | | | | |
|---------------------------|-------------------|---|----------------|-------------------|------------|--------|-----------|
| UTUSAN MALAYSIA | KOSMO! | ✓ | THE STAR | NANYANG SIANG PAU | MUKA SURAT | TARIKH | |
| BERITA HARIAN | SINAR HARIAN | | THE SUN | ORIENTAL DAILY | | | |
| HARIAN METRO | NEW STRAITS TIMES | | THE MALAY MAIL | PELBAGAI | | | |
| KATEGORI LIPUTAN: POSITIF | | | NEGATIF | | NEUTRAL | | |
| | | | | | | 17 | 15/6/2023 |

Kurang pencerobohan nelayan di kawasan habitat punca lambakan sotong

Lubuk sotong tidak diancam puklat

Oleh MOHD. AZLI ADLAN dan KAMALIZA KAMARUDDIN

KUALA TERENGGANU – Penyelidik marin Universiti Malaysia Terengganu (UMT) percaya lambakan sotong terutama di perairan Dungun dan Kemaman pada musim mencandat kali ini disebabkan kurang pencerobohan di kawasan habitat sotong.

Pensyarah Kanan Bidang Teknologi Alatan Perikanan dan Ekologi Perikanan, Universiti Malaysia Terengganu (UMT), Dr. Mohd. Fazrul Hisam Abd. Aziz berkata, dasar perairan Kemaman dan Dungun agak berbatu berbanding kawasan lain di negeri ini.

"Landskap perairan yang berbatu menyebabkan ia agak selamat daripada ancaman puklat tunda oleh nelayan-nelayan yang rakus.

"Kawasan dasar berbatu ini juga secara tidak langsung telah mewujudkan ekosistem yang ideal sebagai lubuk sotong," katanya ketika dihubungi Kosmo! semalam.



PELANGGAN memilih sotong yang dijual di sebuah kedai di Durian Burung, Kuala Terengganu baru-baru ini.

Menurutnya, ekosistem marin yang kurang terusik turut membekalkan sumber makanan yang banyak terhadap sotong.

Katanya, kawasan terumbu karang yang banyak terdapat di

perairan Dungun dan Kemaman juga menjadi habitat perlindungan terbaik buat telur-telur sotong dihasilkan.

"Apatah lagi, perairan Dungun dan Kemaman kurang te-



KERATAN Kosmo! semalam.

kanan berbanding Marang, Kuala Terengganu dan Setiu yang menjadi lokasi popular mencandat sotong sejak puluhan tahun lalu.

"Apapun kajian saintifik lebih terperinci terhadap kualiti air, populasi terumbu karang dan lubuk sotong diperlukan bagi mengetahui punca sebenar lambakan sotong pada tahun ini," ujarnya.

Sementara itu, Pengarah Zon Maritim Kemaman, Komander Maritim Rashidilhadi Abd. Rashid mengakui pencerobohan nelayan Vietnam di perairan Terengganu menunjukkan trend penurunan sejak awal tahun ini.

"Setakat ini, cuma tujuh bot

nelayan Vietnam berjaya ditahan setelah dikesan menangkap hasil laut secara haram di perairan Terengganu sejak awal Januari lalu.

"Risikn mendapati, kebanyakan bot nelayan asing tersebut kini banyak beralih untuk menceroboh perairan Indonesia pula," katanya.

Rashidilhadi berkata, Maritim Malaysia (APMM) percaya perubahan trend itu berikutan tindakan penguatkuasaan yang keras terhadap nelayan Vietnam sejak beberapa tahun kebelakangan ini.

Beliau juga mengakui sotong merupakan antara hasil laut paling banyak dijarah nelayan negara jiran itu setiap kali menceroboh perairan Terengganu sebelum ini.

"Begitupun itu tidak bermakna ancaman nelayan Vietnam semakin kendur kerana apa sahaja boleh berlaku dalam baki enam bulan terakhir tahun ini.

"APMM tetap mengetatkan kawalan perairan seperti biasa bagi memastikan kedaulatan negara terpelihara," ujarnya.